



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<03>> հոկտեմբերի 2018թ.

Ո Ր Ո Շ ՈՒ Մ No. 3499/19 - Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով Ավետիք Գուրգենի Սարգսյան Ա/Ձ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների Ավետիք Գուրգենի Սարգսյան Ա/Ձ-ի (ՀՎՀՀ 40525652, հասցե՝ ք. Հրազդան Միկրոշրջան 53/35, պետական գրանցման համար՝ 33.02828) չկատարված հարկային պարտավորությունը <31> օգոստոսի 2018թ.-ի դրությամբ կազմել է 16.524.544 դրամ, որից ապառք՝ 10.696.513 դրամ, տույժ՝ 4.141.056 դրամ, տուգանք՝ 1.686.975 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <03> սեպտեմբերի 2018թ.-ին հարկ վճարողը ՀՀ ինտերնետով ծանուցման պաշտոնական կայքի միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

Անհատ ձեռնարկատիրոջ հարկային պարտավորության 4.407.925 դրամ գումարը առաջադրվել է 13.08.2018թ-ի թիվ 3000461 ստուգման ակտով, ինչը դեռևս անբողոքարկելի չի դարձել և ենթակա չէ գանձման սույն որոշման շրջանակներում:

Անհատ ձեռնարկատիրոջ կողմից ԱԱՀ-ի գծով կատարվել է 561.100 դրամի չափով վճարում:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 11.555.519 դրամ, որից՝

Եկամտային հարկի գծով պարտավորությունը կազմում է 592.473 դրամ, որից ապառք՝ 507.414 դրամ, տույժ՝ 85.059 դրամ, որն առաջացել է 2017թ-ի եկամտային հարկի տարեկան, 2018թ-ի մարտ-հուլիս ամիսների եկամտային հարկի և սոցիալական վճարի ամսական ամփոփ հաշվարկներից և ՀՀ հարկային օրենսգրքի 401-րդ հոդվածով հաշվարկված տույժերից,

շրջանառության հարկի գծով պարտավորությունը կազմում է 472.493 դրամ, որից ապառք՝ 448.426 դրամ, տույժ՝ 24.067 դրամ, որն առաջացել է 2018թ-ի 1-ին, 2-րդ եռամսյակների հաշվարկներից և ՀՀ հարկային օրենսգրքի 401-րդ հոդվածով հաշվարկված տույժից,

պետական տուրքի գծով պարտավորությունը կազմում է 85.635 դրամ, որից ապառք՝ 79.996 դրամ, տույժ՝ 5.639 դրամ, որն առաջացել է 2018թ-ի տարեկան պետական տուրքի հաշվարկից և <<Պետական տուրքի մասին>> ՀՀ օրենքի 35-րդ հոդվածով հաշվարկված տույժից,

ԱԱՀ-ի գծով պարտավորությունը կազմում է 10.404.918 դրամ, որից ապառք՝ 6.914.117 դրամ, տույժ՝ 3.490.801 դրամ, որն առաջացել է 2016թ-ի ապրիլ, 2017թ-ի մարտ, ապրիլ, օգոստոս, հոկտեմբեր-դեկտեմբեր ամիսների հաշվարկներից, ինչպես նաև իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով /ուժը կորցրել է 01.01.2018թ-ին/ և ՀՀ հարկային օրենսգրքի 401-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Ավետիք Գուրգենի Սարգսյան Ա/Ձ-ից գանձել 11.555.519 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ստացա որոշման օրինակը

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ
Ա. Գալստյան, հեռ
հեռ. 011-54-91-91/91-95/